

S.I.K.-p immikkoortoqarfiata

SULINERMIK INUUSSUTISSARSIUTEQARTUT PEQATIGIIT

PAAMIUT

MALITTARISASSAI

Imarisai

- | | |
|----------|--|
| Qupp. 1. | § 1. Peqatigiiffik. §2. Siunertat. § 3. Piginnaatitaaffiit |
| Qupp. 2. | § 4. Attaveqarneq. § 5. Ilaasortaanermi akiliut. |
| Qupp. 3. | § 6. Allamut nuunneq. § 7. Ukiumoortumik ataatsimeersuarneq. |
| Qupp. 4. | § 8. Siulersuisut. |
| Qupp. 5. | § 9. Peqatigiiffiup aningaasaqarn.. § 10. Immikkut ittumik ataats. |
| Qupp. 6. | § 11. Tapersers. Ilaasort. § 12. Atorunnaarsitsineq. |
| Qupp. 7. | Ataatsimeersuarnermi akuersissutiginerata ullua. |

§ 1.
Peqatigiiffiup aqqa najugaalu:

Sulinermik Inuussutissarsiuteqartut Peqatigiit Paamiut
 Danmarksvej 4 – B-120 □ Postbox 182 □ 3940 Paamiut
 Tlf. 68 13 97 □ Mobil: 23 56 50 □ Telefax: 68 13 09
 E-mail: sulisoq@green.net.gl

§ 2.

Sulinermik Inuussutissarsiuteqartut Peqatigiiffiata Paamiut siunertarivaa:

- 1) Kinaluunniit Paamiut illoqarfiani sulinermik inuussutissarsiuteqartoq ilaasortanngortinniassallugu.
- 2) Ilaasortat sullisissallugit isumaqatigiissutit tunngavigalugit eqqortumik akissarsitinneqartarnissaat, akissarsiaasalu saniatigut tapisiaqartinneqarnissaat anguniassallugu.
- 3) Ilaasortat sullisissallugit suliffissaarunnermi, napparsimanermi, allatigullu ajunngitsorsiassaatigut.
- 4) Ilaasortat piorsarsimassutsikkut, ilinniartitaanikkut qaammarsassallugit.
- 5) Pisortat ataatsimiitaliaanni ilaasortaqarnikkut, ilinniartitaanikkullu qaammarsartassallugit suliniuteqarfigissallugillu.
- 6) Katersuiffiussalluni sulisartut peqatigiinnissaasa ikinngutigiilluarnissaasalu alliartornissaannut.

§ 3.

Ilaasortaaneq ilaasortaanermilu pisussaaffiit piginnaatitaaffiillu:

- 1) Kinaluunniit sulisartoq Paamiut illoqarfiani najugaqartoq SIP-Paamiunut ilaasortanngorsinnaavoq, kattuffinnut allanut ilaasortaareersut tapersersuisut ilaasortanngorsinnaapput. **Takuuk § 11.**
- 2) Ilaasortaq pisussaavoq peqatigiiffiup inatsisai eqqortinniassallugit, aammalu peqatigiiffimmi suliniarneq sutigut tamatigut tapersersussallugu. **Takuuk § 8.**

- 3) Ilaasortaq kinaluunniit pisinnaatitaavoq sullivimmi atukkatigut sinniisuni pisussaatissallugu suliniuteqarnissaanut.

**§ 4.
Attaveqarneq**

- 1) Sulinermik Inuussutissarsiuteqartut Peqatigiiffiat Paamiut nunatsinni Sulinermik Inuussutissarsiuteqartut Kattuffiat – SIK – kattuffigaa.
- 2) Sulinermik Inuussutissarsiuteqartut Peqatigiiffiat Paamiut suliniaqatigiiffinnut nunatsinniittunut avataaniittunulluunniit arlaannaannut pituttorsimanngilaq.

**§ 5.
Ilaasortaanermut akiliut.**

- 1) Qaammammut akiliutissaq ataatsimeersuarnermi (generalforsamlingimi) aalajangerneqartassaaq.
- 2) Ilaasortap nammineerluni akisusaaffigaa akiliutissami piffissakkut akiler-neqarnissaa. Akissarsiamigut ilanngaatitittartuunngikkuni allaffimmut aki-liiartussaaq ilaasortaanermut allagartaq nassarlugu. Ilaasortat akissarsiamik-kut ilaasortaanermut allagartartik allaffimmut naqitsikkiartortassavaat. Ilaasortap nammineerluni takusariaqarpaa eqqortumik akiliisimanerminut naqis-susiisoqarsimanersoq.
- 3) Ilaasortat 18-it inorlugit ukiullit suliffiullu nalinginnaasup affaani sulisartut, ilinniartut, kiisalu utoqqalinersiutillit siusinaarlutillu suliunnaarnersiutillit ilaasortaanermut akiliutip affaanik ilaasortaanermut akiliuteqartassapput.
- 4) Kinaluunniit sulinermik inuussutissarsiuteqartoq Sulinermik Inuussutissarsiuteqartut Peqatigiiffiat Paamiut-nut ilaasortanngorniarluni allaffimmut saaffiginninnermigut, imaluunniit suliffeqarfimmimi sulisut sinnisaat aqqutigalugu ilaasortanngorsinnaavoq.
- 5) Napparsimanersiutit erninersiutillu aatsaat tunniunneqartassapput ilaasortanngornermiit sap. ak. arfinillit ilaasortaareersimanikkut.
- 6) Suliffissaarukkallartut qaammammut akiliuteqartassapput 50,00 kr. Ilaasortajunnaartutut isigineqalissapput qaammatit marluk ilaasortatut akiliuteqanganippata.

§ 6.
Allamut nuunneq:

- 1) Ilaasortaq nuunniartoq pisussaavoq illoqarfimmut nunaqarfimmulluunniit allamut nuunnissani sioqqullugu peqatigiiffiup ulluinnarni aqutsisuinut nalunaaruteqassalluni.
- 2) Ulluinnarni aqutsisut pisussaapput ilaasortaq nuunniartoq pillugu allagaqas-sallutik illoqarfimmut/nunaqarfimmut tassani S.I.K.-p immikkoortoqarfianut.

§ 7.
Ukiumoortumik ataatsimeersuarneq:

- 1) Ukiumoortumik ataatsimeersuarneq Sulinermik Inuussutissarsiarneqartut Pe-qatigiit Paamiut-ni aalajangiisussaanerpaavoq.
- 2) Ataatsimeersuarneq allagarsiinikkut, tusagassiuititigullu ilisimatitsissutigneqartassaaq ullut **14-it** sioqqullugit.
- 3) Aalajangersumik ataatsimeersuarnissaq pisassaaq ukiut tamaasa qaammatini **Februarimi Marts-imiluunniit**.
- 4) Ataatsimeersuarneq imatut ingerlanneqartassaaq:
 1. Ataatsimeersuarnerup aallartinnerani ilaasortaneq uppernarsarneqartas-saaq. Ataatsimeersuarnermi taasinerit qinersinerillu peqataasut nappaanerisigut imaluunniit allalluni taasinikkut pisassapput.
 - ✓ 2. Siulittaasup ataatsimeersuarneq ammassavaa. (*NASSUARNEQ*)
 3. Ingerlatitsisussarsiorneq. / Ingerlatitsisoq.
 4. Siulersuisut nalunaarutaat. *AKUER*.
 5. Naatsorsuutit saqqummiunneqameri.
 6. Aningaasatigut siumut pilersaarutit, missingersuutit saqqummiunneqarneri, naatsorsuutillu oqaluuseritinneqarneri akuersissutigineqarnerilu. *AKUER*.
 7. Siunnersuutit ilaasortanit siulersuisunillu oqaluuseritinniakkat. X
 - ✓ 8. Siulersuisussanik qinersineq.
 - ✓ 9. Naatsorsuutinut kukkunersiuisussanik qinersineq.
 10. Tamalaat.
 11. Siulittaasup naggasiinera.

§ 8.

Siulersuisut:

- 1) Kinaluunniit Sulinermik Inuussutissarsiuteqartut Peqatigiit Paamiut-nut ilaasortaq siulersuisunut qinigassanngortissinnaavoq, aatsaalli ukioq ilivitsoq ilaasortaareersimaguni. Taamaattorli tapersersuilluni ilaasortat piginnaatitaaf-fii **Takukkit § 11.** S.I.K.-p immikkoortoqarfiini allani ukiuni marlunni ilaasortaareersimasoq peqquteqarluni Paamiunut nuuttariaqarsimasoq taamatullu Sulisartut peqatigiiffianut ilaasortanngortoq peqatigiiffiup ataatsimeersuarnerani taaseqataasinnaallunilu siulersuisunut qinigassanngortissinnaavoq, ataatsimeersuarnissaq sioqqullugu qaammammi ataatsimi SIP-Paamiunut ilaasortaasimaguni.

- 2) Immikkut qinerneqassapput siulittaasoq, siulittaasup tullia aamma allatsi, siulersuisunut ilaasortat marluk, sinniisussallu pingasut qinerneqassallutittaaq. Imatullu inissinneqassallutik:
 1. Siulittaasoq
 2. Siulittaasup tullia
 3. Allatsi
 4. Siulersuisunut ilaasortat marluk
 5. Sinniisussallu pingasut.

- 3) Siulittaasoq siulittaasulluunniit tullia atorfinitisinneqarsinnaapput ukiumi ataatsimi. Pisariaqartitsineq naapertorlugu siulersuisunut ilaasortat ikiortiserineqarsinnaapput.

- 4) Ataatsimeersuarnermi amerlanerussuteqartut kissaatigippassuk imm. 3-im taaneqartut pillugit atorfinititsisoqarsinnaavoq, ataatsimeersuarnermi taakkuningga qinersiviusussaanngikkaluartumi.

- 5) Qinikkat atorfekartitat akissarsiaritinneqassapput S.I.K.-p Pisortallu Isuma-qatiginninniartartoqatigiivisa isumaqatigiissutaanni Niuernermi allaffinnilu sulisut pillugit isumaqatigiissummiittut malillugit.

- 6) Siulersuisunut ilaasortat atorfekartitaangitsut qaammammut kajumissaatisi-aqartinneqassapput, kajumissaatisiallu annertussusissaat ukumoortumik ataatsimeersuarnermi aalajangerneqartassaaq.

- 7) Siulersuisunut ilaasortat tamarmik pisinnaatitaapput Inatsisartunut kommu-nalbestyrelsenullu qinigassanngortissinnaallutik.
Qineqquusaarnermi sulinermik inuussutissarsiutillit soqtigisaat salliutissavaat

- 8) Siulersuisunut ilaasortat qinikkatut atorfeqartitaanngitsut sullivimminnit so-raarsitaasimasut, imaluunniit suliffissaaruteqqasut siulersuisunut ilaasorta-nerannut allannguutaassanngilaq. Immikkut ittumik pisoqartillugu siulersui-sutut ilaasortaanerat apeqquserneqarsinnaavoq.
- 9) Siulersuisut ukiut marluk atasassapput.

§ 9.

Peqatigiiffiup aningaasaqarnera:

- 1) Peqatigiiffiup ukiumoortumik ataatsimeersuarnerini ilaasortaanermut akiliut-tissatut aalajangiunneqarsimasup eqqortinnissaa siulersuisut akisussaaffigaat.
- 2) Peqatigiiffup aningaasatigut ingerlanera siulersuisut akisussaaffigaat. Ulluin-narni aqutsineq aningaasatigullu ingerlatsineq siulersuisut akisussaallutik ingerlattassavaat.
- 3) Immikkut aningaasartuutissat annertuut sulisut sinnisaasa ataatsimiinnerini saqqummiunneqartassapput. Missiliuutit akuerisaasut saniatigut immikkut aningaasartuuteqartoqassatillugu tamanna aatsaat pisinnaavoq siulersuisuni ilaasortat tallimat akuersinerisigut.
- 4) Ukiumoortumik ataatsimeersuarnermi siumut missingersuutit akuerisaasut iluanniittut tunngavigalugit siulersuisut pisinnaatitaapput atorfinitssisinnaal-lutik soraarsitsisinnaallutillu.
- 5) Siulersuisut akornanni immikkoortoqarfiup aningaasaataanik peqquserluute-qartoqarsimatillugu siulersuisut pisinnaatitaapput peqquserluuteqarsimasu-mik tunuartitsissallutik.
- 6) Sulisut sinnisaasa ajunngitsorsiassaannut tunngasut peqatigiiffiup ataatsi-meersuarnerani aalajangiivigineqartassapput. Sulisut sinnisaat peqquteqan-ngitsumik qaammammoortumik ataatsimiinnissamini ataatsimeeqataanngik-kuni kajumissaatisiaqartinneqassanngilaq.
- 7) Ataqqinaammik ilaasortat majip aallaqqaataani juullilerneranilu tunissute-qarfigineqartassapput.

§ 10.

Immikkut ittumik ataatsimeersuarneq:

- 1) Siulersuisut amerlanerusut kissaatigippassuk imaluunniit ilaasortat 20-it kissaatigippassuk immikkut ittumik ataatsimeersuartoqarsinnaavoq.
- 2) Immikkut ittumik ataatsimeersuarneq § 7 malillugu ingerlanneqartassaaq.
- 3) Immikkut ittumik ataatsimeersuartut amerlanerit kissaatigippassuk immikkut ittumik ataatsimeersuarneqw qinersinertalimmik ingerlanneqarsinnaavoq.

§ 11.

Tapersersuisutut ilaasortaaneq:

- 1) Kinaluunniit Paamiut illoqarfiani najugaqartoq peqatigiiffimmut tapersersuisutut ilaasortanngorsinnaavoq.
- 2) Tapersersuillutik ilaasortat peqatigiiffiup ataatsimeersuarnerani taaseqataa-sinnaanatillu qinigassanngortissinnaanngillat, taamaattorli oqaaseqarsinnaa-titaapput.
- 3) Tapersersuillutik ilaasortat peqatigiiffimmut minnerpaamik affarmik akiliute-qartassapput. **Takuuk § 5 imm. 1.**

§ 12.

Atorunnaarsitsineq:

- 1) Peqatigiiffiup atorunnaarsinnissaannik siunnersummik aalajangiiniarneqartillugu aalajangiisussat ilaasortat najuuttut $\frac{3}{4}$ -ii isumaqataasariaqarput, ataatsimeersuarnerni marlunni ullunik 14-inik akunneqartuni pisartuni.
- 2) Sulinermik Inuussutissarsiuteqartut Peqatigiiffiata Paamiut inatsisai malillugit atorunnaarsitsinissami SIP-Paamiut pigisai naleqartullu allat Sulinermik Inuussutissarsiuteqartut Kattuffiata siulersuisuunerinut paarisassanngorlugit tunniunneqassapput.
- 3) Suliani taaneqartut pigisat nalillit tiguneqarsinnaapput aatsaat Sulinermik Inuussutissarsiuteqartut Peqatigiit Paamiut nutaamik aallarnerneqassappat.

Ataatsimeersuarnermi akuersissutigineqarput
(Siulersuisut ataatsimiinneranni akuersissutigineqarpoq)

Paamiut ulloq:
(Ulloq: 18.03.07)

Siulittaasoq:

Jakob Thorsen

Siulittaasup tullia:

Avgo Poulsen

Allatsi:

Paornánguak Eigildsen

Siulersuisunut ilaas.:

Karen Thorsen

Siulersuisunut ilaas.:

Ane Josvassen

KATTUFFIK

SULINERMIK INUSSUTISSARSIUTEQARTUT KATTUFFIAT
 (S.I.K.)
 POSTBOX 9
 3900 NUUK
 Tlf: 32 21 33 Fax: 32 49 39
 E-mail: sikpol@greenet.gl

Siulittaasoq (Formand):	Jess G. Berthelsen	:jess@sik.gl
Siulittaasup tullia (Næstf.):	Josef Therkildsen	:ujoorsi@sik.gl
Allattuuneq (Hovedsekretær:	Beathe Hendriksen	:bea@sik.gl
IIPSP-ip siulittaasua:	Nukaaraq Mølgård	:iipsp@sik.gl
Allaffiup pisortaa:	Johan Lund Olsen	:juaat@sik.gl
Aningaaserisoq:	Gerth Ole Larsen	:gerthole@sik.gl
Siunnersorti:	Rikki Biilmann	:rikki@sik.gl
Isumaqtigisiuserisoq:	Estrella Mølgård	estrella@sik.gl
Allaffimmiu:	Hansine Døj	:hansine@sik.gl

Immikkoortortaqarfik Najugaq Oqarasuaat Allakkasuaat

Najugaq	Illoqarfik	Tlf.nr.:	Fax nr.
Aasiaat, Box 139	3950 Aasiaat	89 24 53	89 12 88
Alluitsup Paa	3919 Alluitsup Paa	61 91 91	61 91 91
Arsuk, Box 30	3932 Arsuk		
Attu	3955 Kangaatsiaq	87 34 60	87 35 26
Ikerasak	3961 Uummannaq	95 50 44	95 50 88
Ilulissat, Box 93	3952 Ilulissat	94 32 23	94 46 40
Ittoqqortoormiit, Box 5	3980 Ittoqqortoormiit	59 94 44	99 10 41
Kangerlussuaq, Box 14	3910 Kangerlussuaq	84 14 91	84 17 15
Kangaamiut	3912 Maniitsoq	81 94 13	81 95 58
Kangaatsiaq, Box 533	3955 Kangaatsiaq	87 11 54	87 11 54
Kulusuk	3915 Kulusuk	98 68 82	98 69 80
Maniitsoq, Box 73	3912 Maniitsoq	81 34 10	81 21 56
Nanortalik, Box 91	3922 Nanortalik	61 30 35	61 37 09
Narsaq, Box 55	3921 Narsaq	66 16 22	66 17 65
Narsarsuaq, Box 70	3923 Narsarsuaq	66 52 31	66 52 31
Nuuk, Box 137	3900 Nuuk	32 17 40	32 17 97
Paamiut, Box 182	3940 Paamiut	68 13 97	68 13 09
Pituffik, Box 129	3970 Pituffik	97 66 85	97 66 04
Qaanaaq, Box 67	3971 Qaanaaq	97 13 50	97 13 51
Qaqortoq, Box 29	3920 Qaqortoq	64 24 42	64 12 31
Qasigiannguit, Box 38	3951 Qasigiannguit	91 14 48	91 14 43
Qeqertarsuaq, Box 95	3953 Qeqertarsuaq	92 14 23	92 13 32
Qeqertarsuatsiaat	3900 Nuuk	35 90 58	35 91 26
Saqqaq	3952 Ilulissat	94 80 51	94 80 56
Sisimiut, Box 56	3911 Sisimiut	86 42 45	86 49 45
Tasiilaq, Box 51	3913 Tasiilaq	98 12 08	98 14 51
Tiniteqilaaq	3913 Tasiilaq	98 63 53	98 63 77
Upernavik, Box 87	3962 Upernavik	96 19 60	96 20 20
Uummannaq, Box 24	3961 Uummannaq	95 10 47	95 14 27
SIK, Box 9	3900 Nuuk	32 21 33	32 49 39